



Broj: 07-SL/16

Sarajevo 12.08.2016. godine

SKUPŠTINA KANTONA SARAJEVO

Služba za skupštinske poslove

Predmet: Odgovor na zastupničko pitanje

Zastupnik Rasim Lakota, na 18. Radnoj sjednici Skupštine Kantona Sarajevo održanoj 27.07.2016. godine u okviru tačke Dnevnog reda "Zastupnička pitanja, inicijative i odgovori" a u skladu sa Poslovníkom Skupštine Kantona Sarajevo, postavio je zastupničko pitanje vezano za uklanjanje pasa lotalica i dostavio ga u pisanoj formi.

U predhodnom periodu dosta se govorilo o uklanjanju pasa lotalica sa ulica Kantona Sarajevo i vidim iz izvještaja da Vlada često raspravlja o ovom pitanju.

Podržavam mjere Vlade na rješavanju ovog pitanja.

Interesuje me da li je došlo do stvarnog smanjenja broja pasa lotalica na ulicama Kantona Sarajevo, šta Vlada Kantona trenutno poduzima na tom planu i kada se očekuje konkretni i vidljivi rezultati na ovom planu?

Odgovor:

Ministarstvo privrede i Ministarstvo za komunalne poslove i infrastrukturu poduzimaju niz aktivnosti na rješavanju problema pasa lotalica, između ostalog obvezalo je dole navedene subjekte da dostave izvještaj o poduzetim aktivnostima na rješavanju problema pasa lotalica. Period izvještaja obuhvata vrijeme od 01.01.2016. godine do 31.07.2016. godine kako slijedi:

"Veterinarska stanica Novi grad" doo Sarajevo je uhvatila 1193 psa 284 psa su im uhvatili i prosljedili na daljnji tretman KJKP "Rad" te je ukupan broj uhvaćenih pasa 1477, od čega je nad 1369 pasa izvršena eutenazija u skladu sa čl.14. Zakona o zaštiti i dobrobiti životinja, ("Službeni glasnik BiH", 25/09), 104 psa su u proceduri te je jedan pas vraćen vlasniku, a tri su udomljena.



KJKP"RAD" doo Sarajevo ima obavezu vršiti poslove higijenskog servisa, Odnosno po hvatanju jedinki iste prosljeđuje KJP "Veterinarskoj stanici". U datom periodu je uhvatio 467 psa i iste predao KJP "Veterinarskoj stanici".Napominjemo da je u periodu 01.07.2016- do 31.07.2016 godine KJKP "Rad" uhvatio i predao "Veterinarskoj stanici Novi Grad" ukupno 284 psa, što sa naprijed pomenutim brojem iznosi da su ukupo uhvatili 751 psa.

KJP "Veterinarska stanica" Sarajevo zaprimila je sve pse od KJKP "Rad".Od ukupno zaprimljenog broja pasa 60 psa su udomljena, 79 je eutenazirano, određeni broj je zadržan na liječenju, 209 pasa je prebačeno u sklonište u Praču, a 27 u sklonište Gladno polje, 10 pasa prebačeno u azil u Žunovnici. U boksu su zadržana 36 psa, Ostatak od ukupnog broja je zadržan na liječenju u boksovima ambulanata KJP "Veterinarske stanice ".

JKP "Komunalac" Hadžići, u prethodnom periodu ukupno je uhvatio i prosljedio na obradu Veterinarskoj stanici "Vet" Hadžići 148 pasa, od čega je dvanaest pasa udomljeno, tri eutenazirano, a u prostoru kasarne Žunovnica boravi stalno permanentno između 35-45 pasa, te se određeni broj vraća na lokacije na kojima su uhvaćeni. U svakom izvještaju ističu da se psi dovode sa drugih lokacija.

Prema dobivenim podacima od Kantonalne uprave za inspekcijske poslove u izvještajnom periodu su isti izdali 156 naloga za hvatanje agresivnih i bolesnih pasa,.Ovim naložima je obuhvaćeno 800 pasa.

Napominjemo da su naprijed pomenuti privredni subjekti dužni i dalje za svaki mjesec dostavljati izvještaje ovom ministarstvu o poduzetim aktivnostima na rješavanju problema pasa lualica na području Kantona Sarajevo.

Na kraju navodimo da je Minstarstvo privrede nadležno za zdravstveno stanje životinja na području Kantona Sarajevo.

Da bi znali da li je došlo do smanjenja populacije pasa lualica neophodno bi bilo izvršiti prebrojavanje istih. Sam postupak prebrojavanja je vrlo zahtjevan iz razloga što svi psi nisu čipovani, velika je pokretljivost ove populacije, a uočeno je i dovođenje pasa lualica sa drugih područja. Sve navedeno dodatno usložnjava situaciju da bi se mogao utvrditi tačan broj pasa lualica.

S poštovanjem,

MINISTAR

Dr Muharem Šabić

Dostavljeno:

1. Naslovu,
2. Evidencija,
- 3.a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

